

Jadid

adabiy, ilmiy-ma'rifiy va ijtimoiy haftalik gazeta

OYDINLAR

“NOMI QORAQALPOQ ELLARIM BORDIR...”

Xudo bergan har bir millatning ma'naviy borlig'ini dunyoga tanitadigan so'z san'atkorlari, alloma shoirlari bo'ladi. Qoraqalpoq og'zaki ijodini yozma adabiyoti bilan uyg'unlashtirib, xalqona she'rlar yozgan Ajiniyoz Qo'siboy o'g'li shunday adabiy siymolardan biridir.



(Davomi 5-sahifada.)



O'ZBEKISTON VA QIRG'IZISTON KO'P QIRRALI HAMKORLIGIDA YANGI DAVR BOSHLANMOQDA

O'zbekiston Respublikasi Prezidenti Shavkat Mirziyoyevning taklifiga binoan Qirg'iz Respublikasi Prezidenti Sadir Japarov rafiqasi bilan birga 18-iyul kuni davlat tashrifi bilan mamlakatimizga keldi.

Toshkent shahri xalqaro aeroportida ularni davlatimiz rahbari va rafiqasi kutib oldi.

Oliy martabali mehmon sharafiga ikki mamlakat davlat bayroqlari ko'tarilib, faxriy qorovul saf tordidi.

Qo'shnisiga yaxshilik sog'inib, hamisha tinch bo'lishini tilagan, yutug'idan quvonadigan xalqmiz. Onalarimiz tansiqroq biror yegulik pishirsa avval bir devor nariga, hamsoyasiga ilingan. O'ziga ravo ko'rganini boshqalar bilan ham bo'lishgan. Bunda katta hikmat bor.

Ota-bobolarimiz bir ro'zg'orning boshqalardan ayro baxtiyor bo'la olmasligini yaxshi bilgan. Kuchning birlikda ekanligini ta'kidlashlarining ma'nosi ham shunda.

Mamlakatimizning keyingi yillarda qo'shni davlatlar bilan do'stona aloqalarni yangi bosqichga olib chiqishga intilayotgani zamirida ham ana shu ko'p yillik qadriyat mujassam.

O'zbekiston Qirg'iz Respublikasi bilan "bir devor" qo'shni. Quda-anda, bordi-keldi, oldi-sotdi masalalari o'ziga xos tarixga ega.

Qirg'iz Respublikasi Prezidenti Sadir Japarov Toshkent shahriga kelgach, O'zbekiston Respublikasi Bosh vaziri hamrohligida "Yangi O'zbekiston" bog'iga tashrif buyurdi.

Oliy martabali mehmon "Yangi O'zbekiston" bog'idagi Mustaqillik monumenti poyiga gul qo'ydi.

Majmua bilan qisqacha tanishuv asnosida Qirg'iz Respublikasi delegatsiyasi vakillariga mazkur ansambl mazmuni va me'moriy yechimlari haqida ma'lumot berildi.

Delegatsiya a'zolari majmuada aks ettirilgan allomalar, buyuk sarkarda va jahongirlar, jadid bobolarimizning siymolariga alohida e'tibor qaratdi.

(Davomi 2-sahifada.)

O'zbekiston Respublikasi Prezidentining

Q A R O R I

O'ZBEKISTON RESPUBLIKASI DAVLAT MUSTAQILLIGINING O'TTIZ UCH YILLIK BAYRAMIGA TAYYORGARLIK KO'RISH VA UNI O'TKAZISH TO'G'RISIDA

Bundan o'ttiz uch yil oldin o'ta og'ir va murakkab tarixiy vaziyatda qo'lga kiritilgan milliy istiqlolimiz bugungi kunda ko'p millatli butun xalqimizni Yangi O'zbekistonni barpo etishdek buyuk maqsad yo'lida birlashtirib, yangi yutuq va marralar sari ilhomlantirmoqda.

Aynan mustaqillik tufayli mamlakatimiz suveren, demokratik, huquqiy, ijtimoiy va dunyoviy davlatga, xalqaro huquqning to'laonli subyektiga aylandi. Dunyo bizni yangitdan tanidi va tan oldi. Yer yuzidagi turli davlatlar va xalqlar bilan do'stlik hamda hamkorlik aloqalarimiz tobora kengayib, yurtimizning xalqaro maydondagi mavqeyi va nufuzi ortib bormoqda.

Ayniqsa, keyingi yillarda mamlakatimizda amalga oshirilayotgan keng ko'lamli demokratik islohotlar jarayonida mustaqil davlat bo'lib, dunyoga ochilib yashash, erkin va ozod xalqlar oilasida munosib o'rin egallab, zamonaviy taraqqiyotga erishish naqadar ulug' baxt va sharaf, shu bilan birga, ulkan mas'uliyat ekanini yanada chuqur his etmoqdamiz.

Xalqimizning milliy manfaatlarini ta'minlashga qaratilgan ichki va tashqi siyosat borasidagi tub o'zgarishlar, erishilayotgan amaliy natijalar xalqaro hamjamiyat tomonidan e'tirof etilmoqda va qo'llab-quvvatlanmoqda.

Barchamiz inson qadri oliy mezon bo'lgan yangi hayot, yangi jamiyat qurish yo'lida qo'lga kiritgan zafarlarimizni mustaqil taraqqiyot g'oyasiga hamisha

sodiq, mard va matonatli xalqimizning fidokorona mehnati, aql-zakovati va bunyodkorlik salohiyati mahsuli deb bilamiz va ana shunday olijanob elning farzandlari ekanimizdan cheksiz faxrlanamiz.

O'zbekiston Respublikasi davlat mustaqilligining o'ttiz uch yillik shonli sanasini chinakam umumxalq bayrami, ozodlik va saodat ayyomi sifatida ko'tarinki kayfiyatda kutib olish hamda mamlakatimizning bugungi taraqqiyot darajasi, yuksalish sur'atlariga munosib tarzda nishonlash maqsadida:

1. O'zbekiston Respublikasi davlat mustaqilligining o'ttiz uch yillik bayramiga tayyorgarlik ko'rish va uni o'tkazish bo'yicha respublika komissiyasining (keyingi o'rinlarda – Respublika komissiyasi) tarkibi ilovaga muvofiq tasdiqlansin.

2. Respublika komissiyasi (A. Arifov): bir hafta muddatda "Bir bo'lsak – yagona xalqmiz, birlashsak – Vatanimiz!" degan bosh g'oyani o'zida mujassam etgan tashkiliy-amaliy, ma'naviy-ma'rifiy tadbirlar hamda targ'ibot-tashviqot ishlari dasturini tasdiqlansin. Mazkur dastur "O'zbekiston – 2030" strategiyasi, shuningdek, "Yoshlar va biznesni qo'llab-quvvatlash yili" bo'yicha qabul qilingan davlat dasturi bilan uyg'un holda tayyorlansin;

O'zbekiston Respublikasi davlat mustaqilligining o'ttiz uch yillik bayrami (keyingi o'rinlarda – Mustaqillik bayrami) Qoraqalpog'iston Respublikasi, viloyatlar markazlari va Toshkent shahrida, shu-

ningdek, barcha shahar hamda tumanlar, qishloq va ovullarda munosib nishonlanishini ta'minlasin;

hududlarda keng aholi qatlamlari o'rtasida Mustaqillik bayramiga bag'ishlangan ma'naviy-ma'rifiy anjumanlar, uch avlod uchrashuvlarini, ochiq muloqot va suhbatlar, adabiy-badiiy kechalar, milliy kino kunlari, sayillar, madaniyat va sport tadbirlari, gastronomik festivallarni samarali o'tkazish maqsadida **atoqli ilm-fan namoyandalari, madaniyat va san'at arboblari, taniqli sportchilar, keng jamoatchilik vakillaridan iborat targ'ibot guruhlarini tashkil etsin** hamda ularning aniq reja asosida faoliyat yuritishini ta'minlasin;

Mustaqillik bayramiga bag'ishlangan barcha tadbirlarning yuqori saviyada tashkil etilishi yuzasidan har bir hudud, vazirlik va idora rahbarlarining hisobotlarini o'z yig'ilishlarida muntazam ravishda eshitib borsin.

3. Qoraqalpog'iston Respublikasi, viloyatlar va Toshkent shahrida o'tkaziladigan asosiy bayram tadbirlarining dasturlarini tayyorlashga yuqori professional mahorat hamda tajribaga ega bo'lgan ssenariychi va rejissyorlar, shoir va adiblar, bastakor hamda baletmeysterlar, sahna rassomlari, maqom va baxshchilik san'ati vakillari, iste'dodli yosh ijrochilardan iborat ijodiy guruhlar keng jalb etilsin.

(Davomi 2-sahifada.)

TAHLIL

YANGI DAVR MOHIYATI

1991-yilning 31-avgustigacha Yer yuzidagi davlati yo'q millatlarning biri edik. Davlatga ega bo'ldik. Uni qurdik. Dunyoga o'z so'zimizni aytishga erishdik. Bizni olam tanidi, biz olamni tanidik. Haqiqatni aytganda, bu darajalarga erishish davlatga ham, xalqqa ham oson bo'lmadi.

2016-yil sentyabridan O'zbekistonimizda yangi davr boshlandi. Uzoq yillar oliy ta'lim tizimida ishlagan, bir tuman va ikki viloyatni boshqargan, 13 yildan oshiq O'zbekiston Respublikasining Bosh vaziri bo'lgan Shavkat Miromonovich Mirziyoyev davlat rahbari bo'ldi. U mamlakat hayotining katta-kichik barcha masalalaridan har tarafdin ham qatnashgan edi. Muammolar esa tiqilib ketgan, ularni yechishning mexanizmlari eskirgan yoki tamoman ishlamay qolgan edi. Chigalliklar shunchalar ko'p ediki, bir masalani yechishga ikkinchisi monelik qilardi. Aniqrog'i, hamma masala bir kishi orqali bitishi, ammo unga yechimlar haqidagi takliflarni yetkazishning yo'li murakkablashib qolgan bir zamon edi.

Lekin xalq ertaga yoki indinga emas, aynan bugun baxtli yashashni istardi.

YANGI O'ZBEKISTON:

7 YILDA

YETISHGANLARIMIZ

Xullas, hayot yangicha bir siyosatni talab qilardi.

ISLOHOT VA YANA ISLOHOT

"Islohot" – "o'zgarish" degani. Shuning uchun u – to'xtovsiz davom etadigan muttasil jarayon. Daryo suvi bir yerda to'xtab tura olmagan singari, odam ham, kishilik jamiyati ham bir yerda turg'un qolishga haqli emas. Hayot davom etar ekan, u har kuni, har

hafta, har oy, har yil... oldimizga yangi-yangi vazifalarni ko'ndalang qilib qo'yaveradi. Ularni ado etish uchun ham-mamimiz yangilanishga majburmiz.

Shu falsafiy mulohazalardan keyin mamlakatimizda keyingi yetti yilda yuz bergan voqea-hodisalarga umumlashma ko'zi bilan boqilsa, ko'p narsa oydinlashadi. Lekin buning bitta sharti bor: bu o'zgarishlarga, avvalo,

aynan fuqaro ko'zi bilan boqish zarur. Chunki, axir, mamlakatdagi o'zgarishlar amalda fuqaro hayotini yaxshilashga xizmat qilishi kerak-da.

Xo'sh, shu murakkab vaziyatdan chiqib ketishning qanday yo'llari topildi?

Keling, mamlakatimizda shu davrda yuz bergan tub burilishlarni bir-bir eslaylik.

(Davomi 3-sahifada.)

MUNOSABAT

Turkiy adabiyot quyoshi, ma'naviyat charog'boni hazrat Alisher Navoiy o'zining "Saddi Iskandariy" dostonida mamlakatni adolat ila boshqarishni saltanatning qudratini belgilovchi omil sifatida talqin etar ekan: "Kerak lutf-u ehson shior aylasang, Adolat yo'lin ixtiyor aylasang..." deb ta'kidlagan edi. Darhaqiqat, xalqni rozi qilish maslagini bosh g'oya qilib belgilab olgan insonparvar siyosatning tayanch ustuni adolat bo'lmog'i muqarrardir.

Prezidentimiz Shavkat Mirziyoyevning mamlakatimiz hududlariga tashrifini xalqimiz intiqilik bilan kutadi. Chunki yurtboshining qutlug' qadami yetgan manzillar obod, ko'ngillar shod bo'ladi, adolat bosh mezon bo'lgan islohotlarga ishonch mustahkamlanib, keng ko'lamli o'zgarishlarga kamarbastalik hissi yanada ortadi. Yaqindan Farg'ona viloyatiga amalga oshirilgan tashrif ham ana shunday jihatlari bilan alohida ahamiyatga egadir.

Bu galgi safar chog'ida Farg'onadagi shahar va tumanlarni yanada rivojlantirishga oid keng ko'lamli masalalarga alohida e'tibor qaratildi. Ayniqsa, Farg'ona, Marg'ilon, Qo'qon, Quva shaharlarida yirik loyihalarni amalga oshirishga yo'l ochildi. Ushbu tashrif rekonstruksiya qilinib, yangidan ochilgan Qo'qon aeroporti bilan tanishishdan boshlandi. Viloyatda ikkinchi yirik sha-



FARG'ONA TASHRIFI:

KELAJAK UCHUN DADIL QADAMLAR

har hisoblangan Qo'qonni vodi darvozasi desak, xato qilmagan bo'lamiz. Shunday ekan, bu yerda F 320-200 va ATR 72-600 rumumli zamonaviy samolyotlarni qabul qilish imkoniga ega aeroportning ochilishi erkin iqtisodiy zona joylashgan, qadimiy hunarmandchilik rivojlangan va boshqa ma'naviy-ma'rifiy qadriyatlarga ega bo'lgan turizm shahri uchun o'ta zarur edi. Qo'qon va uning atrofida 300 mingdan ziyod aholi yashaydi. Shahar ichki turizm mehmonlari va tashqi sayyohlar bilan hamisha gavjum. Prezidentimiz ilk bor yirik havo kemasi qabul qilgan aeroportda yaratilgan sharoitlar bilan tanishar ekan, parovzlar sonini oshirish, narx va xizmatlarni qulaylashtirish bo'yicha muhim ko'rsatmalar berdi.

Endilikda Qo'qondan Samarqand, Buxoro kabi shaharlarga ham parvoz qilish mumkin bo'ladi.

Tashrif davrida davlat rahbari Qo'qon superfosfat zavodi negizida tashkil etilgan "Indorama Kokand Fertilizers and Chemicals" korxonasi investorlar bilan hamkorlik istiqbollari haqida suhbatlashdi. "Farg'onaazot" zavodi ham ushbu hamkorlar tomonidan modernizatsiya qilinmoqda. Viloyatdagi zavodlar asosida yagona kimyo klasteri, Qo'qon mexanika zavodida kimyo texnopark tashkil etilishi import o'rmini bosuvchi yangi mahsulotlar ishlab chiqarilishini ta'minlaydi.

Shuningdek, Prezidentimiz Qo'qon universitetida yaratilgan sharoitlar bilan ham tanishdi.

(Davomi 4-sahifada.)

